

勅脩甘肅通志

第二十五册

卷之第三十五

人物



甘肅通志卷之第十四

兵防

甘肅跨連邊塞兩提六鎮勁旅雄師雲屯碁布控扼險要鞏固巖疆直省重兵莫多於此干城鎖鑰茲飭域中揚威闢外司戎行之責也志兵防

鎮守寧夏等處將軍 一員駐劄寧夏滿城 坐馬 二十匹

左翼副都統 一員 協領 三員 佐領 二十員 防禦 二十員 驍騎校 四員

一十員 筆帖式 三員 馬甲兵 一千一百名 步甲 六百名 弓匠鐵匠

三十員 官馬 二百七十七匹 兵馬 二千二百一十三匹

甘肅通志 卷十四 兵防

右翼副都統 一員 協領 三員 佐領 二十員 防禦 二十員 驍騎校 四員

一十員 馬甲兵 一千一百名 步甲 六百名 弓匠鐵匠 三十名 官馬

二百六十五匹 兵馬 二千二百一十三匹

將軍坐甲 六名馬一十八匹 左右都統坐甲 六名馬一十八匹 領催

前鋒馬甲甲拴養駝 八百隻內駝炮駝八十隻

甘肅撫標左營參將 一員 守備 一員 千總 二員 把總 四員 馬戰

兵 一百七十五名 步戰兵 一百一十五名 守兵 三百七十五名 官馬 二十四匹 兵馬

一百七十五匹

右營遊擊 一員 守備 一員 千總 二員 把總 四員 馬戰兵 一百七十五名



性好施不事產業嘗嘆曰大丈夫生當封侯死當廟食如其不然閑居可以養志詩書足以自娛州郡之職徒勞人耳後辟命交至並無所就章帝納其二女皆爲貴人小貴人生和帝永元九年追尊恭懷皇后追封諡竦褒親愨侯封子棠爲樂平侯棠弟雍乘氏侯雍弟翟單父侯雍子商然更恭博洽金映甘肅梁商字伯夏竦之孫以外戚拜郎中陽嘉元年女立爲皇后以商爲大將軍商自以戚屬居大位每存謙柔虛已進賢京師翕然稱爲良輔每有饑饉輒載

甘肅通志

卷三五

人物

二

租穀賑與貧餒不宣已惠檢御門族未嘗以權盛干法中常侍張逵等譖商帝怒收逵等悉伏誅辭所連染及在位大臣商上疏請罪止首惡帝納之病篤勅子曰氣絕之後歛以時服無更裁制祭食如存無用三牲及薨諸子欲從其誨朝廷不聽諡忠侯李恂字叔英安定臨涇人少習韓詩教授諸生嘗數百人太守潁川李鴻請署功曹未及到而州辟爲從事會鴻卒恂不應州命而送鴻喪還鄉里旣葬持

喪三年後拜侍御史持節使幽州宣布恩澤所過圖

寫山川屯田聚落封奏章帝嘉之拜兗州刺史以清  
約率下常席羊皮服布被遷張掖太守有威重名時  
大將軍竇憲兵屯武威天下州郡莫不修禮遺恂奉  
公不阿爲憲所奏免後徵拜謁者使持節領西域副  
校尉西域數遺恂奴婢宛馬金銀香罽之屬一無所  
受道路夷清威恩並行遷武威太守後坐事免步歸  
鄉里與諸生織席自給會西羌反畔恂到田舍爲所  
執獲羗素聞其名放遣之恂因詣洛陽謝時歲荒司  
空張敏司徒魯恭等各遣子饋糧悉無所受居新安  
關下拾橡實以自給年九十六卒

甘肅通志

卷三十五

人物

三

皇甫規字威明安定朝那人祖稜度遼將軍父旗扶  
風都尉永和六年西羌侵安定郡將知規有兵畧乃  
命爲功曹使將甲士八百與羌交戰有功梁太后臨  
朝規舉賢良方正對策梁冀忿其刺已下第免歸州  
郡承冀旨幾陷于死遂以詩易教授門徒積十四年  
後梁冀誅旬月之間禮命五至皆不就泰山賊侵亂  
郡縣徵拜泰山太守到官廣設方畧寇虜悉平延熹

四年秋叛羌寇關中規請自効三公舉規爲中郎將

討破之諸羗慕規威信相勸降者十餘萬東羗乞降涼州復通論功當封而中常侍徐璜左瑄欲從求貨規終不答遂排陷坐繫廷尉論輸左校諸公及太學生張鳳等三百餘人詣闕訟之會赦歸家徵拜度遼將軍上書薦中郎將張奐以自代規自以連在大位欲退避數上病不見聽會友人王旻喪還規越界迎之因令客密告并州刺史胡芳使舉奏芳曰威明欲避第仕途吾當爲朝廷愛才遂無所問及黨事大起規自以西州豪傑恥不得與乃先自上言臣前薦故

甘肅通志

卷三十五

人物

四

大司農張奐是附黨也又臣昔論輸左校時太學生張鳳等上書訟臣是爲黨人所附也臣宜坐之朝廷知而不問在事數載北邊威服遷弘農太守封壽城亭侯不受轉護羗校尉所著書二十七篇

皇甫嵩字義真規兄子父節鴈門太守嵩少有文武志介好詩書習弓馬舉孝廉茂才俱不起靈帝徵爲議郎遷北地太守黃巾賊起召羣臣會議嵩以爲宜解黨禁帝從之以嵩爲左中郎將討黃巾波才於陽

翟擊彭脫於西華並破之禽卜已又討張角弟梁寶

悉破斬之先後生擒斬首降服三十餘萬人角死割棺戮屍傳首京師封槐里侯領冀州牧奏請冀州一年田租以贍饑民帝從之民歌其德信都令閻忠說嵩建不賞之功北面庸主無以自安後悔莫及嵩守節不屈忠亡去中常侍趙忠張讓憾嵩奏收印綬更封都鄉侯五年梁州賊王國圍陳倉復拜左將軍督兵擊大破之斬首萬餘級國走死董卓故怨嵩及秉政乃徵嵩爲城門校尉有司承旨奏嵩下吏將遂謀之嵩子堅壽泣掬得免及卓誅復拜征西將軍遷車騎將軍又拜太尉爲光祿大夫嵩爲人愛慎盡勤前後上表陳諫五百餘事皆有補益皆手書毀草不宣於外又折節下士門無留客人皆稱而附之

魏胡 遵安定臨涇人才兼文武累居藩鎮至車騎將軍封陰密侯

晉胡 奮字元威安定臨涇人魏車騎將軍遵子性開朗有籌畧少好武事司馬懿伐遼東以白衣侍從左右甚見接待驍騎路蕃討劉猛奮爲監軍擊破之以

功遷征南將軍都督荊州加散騎常侍奮家世將門

晚乃好學所在有聲績居邊特著威惠女爲武帝貴人甚見寵待加鎮東大將軍開府儀同三司時楊駿以后父驕傲奮曰卿恃女更益豪耶歷觀前代與天家婚未有不滅門者但早晚事耳駿銜之而不能害後卒於官贈車騎將軍謚曰壯

並見其世

皇甫謐字士安安定朝那人漢太尉嵩曾孫出後叔父年二十不學所後叔母任氏責其不學對之流涕謐乃感激居貧躬自稼穡帶經而農遂博綜典籍百家之言沉靜寡欲始有高尚之志以著述爲務自號

甘肅通志

卷三十五

人物

六

元晏先生遂不仕耽翫典籍忘寢與食時人謂之書淫舉辟皆不行或勸應命謐爲釋勸論以通志武帝屢詔敦迫謐辭切言至遂見聽許自表就帝借書帝送書一車與之所著詩賦誄誦又撰帝王世紀年歷高士逸士列女等傳元晏春秋並重於世

皇甫方回安定朝那人謐子少遵父操兼有文才永嘉初徵博士不起避亂荊州閉戶居未嘗入城府蠶而後衣耕而後食先人後已尊賢愛物南土人士

咸崇敬之刺史陶侃禮之甚厚每造之著素土服望

門輒下而進

張軌字士彥安定烏氏人少明敏好學有器望與同郡皇甫謐善隱於宜陽汝几山張華與軌論經義及政事損益甚器之除太子舍人累遷散騎常侍公卿舉軌才堪御遠永寧初出爲涼州刺史鮮卑反軌到官卽討破之威著西州化行河右立學校行鄉射之禮及河間成都二王之難遣兵三千東赴京師永興中鮮卑若羅拔能爲寇軌擊斬之俘十餘萬口威名大震惠帝遣加安西將軍大城姑臧永嘉初東羗

甘肅通志

卷三十五 人物

七

校尉韓雅殺秦州刺史張輔軌討之雅降王彌寇洛陽軌擊破之又敗劉聰於河東帝嘉其忠進封西平郡公不受遣使貢獻歲時不絕朝廷嘉之京師饑匱軌卽遣參軍杜勳獻馬五百匹耗布三萬疋帝遣使拜鎮西將軍都督隴右諸軍事劉聰逼洛陽軌遣兵入衛及京都陷軌馳檄關中翼戴帝室秦王爲皇太子遣使拜爲驃騎大將軍儀同三司固辭在州十三年寢疾遣令將佐盡忠報國務安百姓謚曰武子寔

梁席闢文安定臨涇人少孤貧涉獵書史齊初爲雍州



刺史梁武帝受禪除都官尙書出爲東陽太守在郡有能名冬至悉放獄中囚依期而至改封湘西侯卒官諡曰威

魏胡國珍字世玉安定臨涇人魏靈太后父也國珍少好學雅尙清儉太和中襲父爵爲武始侯以女選入掖庭生孝明及卽位靈太后臨朝加侍中封安定郡公進位中書監儀同三司同釐庶政與侍中崔光俱授帝經侍直禁中國珍上表陳刑政之宜詔皆施行靈太后以國珍年老加持節都督雍州刺史不欲令

甘肅通志

卷三十五 人物

八

其在外就宅拜之靈太后孝明率百僚幸其第宴會極歡國珍年雖篤老而雅敬佛法時事齋潔自矧禮拜至於出入侍從猶能跨馬據鞍薨年八十追崇太師號太上秦公加九錫諡文宣

席法友安定涇州人祖父南奔梁法友仕齊以膂力自効遷安豐新蔡二郡太守後歸魏拜豫州刺史恬靜自安不競世利武宣末除濟州刺史以廉和著稱卒諡襄侯

皇甫和字長諧安定朝那人祖澄秦涼二州刺史父

徽安定畧陽二郡太守和年十一而孤母夏侯氏才  
明有禮則授以經及長深沉有雅量尤明禮儀宗親  
凶吉多相咨訪終濟陰太守

皇甫亮字君翼和弟神武命爲大行臺郎中亮率性  
任真不樂劇職除司徒東閣祭酒後降梁以母兄在  
北求還梁帝不奪至鄴無復宦情入白鹿山恣泉石  
之賞賦詩超然自樂性純樸無片言矯飾後除任城  
太守病不之官終於鄴

胡方回安定臨涇人父儀周黃門侍郎方回仕赫連

甘肅通志

卷三十五 人物

九

屈丐爲中書侍郎博史籍善文辭太武破赫連昌獲  
之爲北鎮司馬爲鎮修表帝善之召爲中書博士賜  
爵臨涇子遷侍郎改定律制司徒崔浩與一時朝賢  
並愛重之清貧守道以壽終

鄧彥海安定人祖羗爲苻堅車騎將軍父翼爲河間  
相彥海性眞素言行可復博覽羣書長於易筮道武  
定中原擢爲著作郎彥海明解制度多識故事與尙  
書崔宏參定朝儀律令音樂及軍國文記詔策謹於

朝事未嘗忤旨

韓茂字元興安定安武人茂年十七膂力過人尤善騎射魏明元征丁零茂爲中軍執幢時大風諸旌旗皆偃仆茂於馬上持幢初不傾倒帝異之擢爲武賁郎將從太武討赫連昌大破之賜爵蒲陰子又從征統萬大破之平平涼當茂所衝莫不應弦而殪進爵九門侯又征蠕蠕頻戰大捷進爵安定公太武南征茂出青州降者相繼還拜僕射文成踐祚拜尙書令加侍中征南大將軍茂沉毅篤實議論合理善於撫衆勇冠當時卒贈安定王諡曰桓

甘肅通志

卷三五 人物

十一

胡叟字倫許安定臨涇人少聰敏年十三辨疑釋理知名鄉國學不師受披讀羣籍再閱於目皆誦於口好屬文入長安時京兆韋祖思多茂時彥待叟不足叟拂衣而出祖思固留之叟曰論天人者其亡久矣與君相知何夸言若是遂去時年十八歸魏以其識機賜爵始復男家於密雲尋歸家不事產業饑貧不以爲恥見榮華者視之蔑如也尙書李敷遺以財不取少孤每言及父母則淚下密雲左右皆祇仰其

德

齊金 祚字神敬安定涇州人性驍雄尙氣俠魏末以軍功至大中大夫討平邢杲歷涇岐二州刺史賀拔岳表授東雍州刺史令討仇池氐楊紹先於百頭岳爲侯莫陳悅所殺祚克仇池還莫知所歸神武遣行臺侯景論祚遂解甲而還封安定縣公卒贈司空

彭 樂安定人驍勇善騎射隨齊神武韓陵之役樂先登陷陣賊衆大潰封樂城縣公除肆州刺史天平四年從神武西討與周文相距樂請決戰因醉入深被刺腸出內之不盡截去復戰芒山之役樂以數千

甘肅通志

卷三五

人物

七

精騎爲右甄衝西軍所向奔退遂馳入周文營俄告捷諸軍乘勝斬首三萬餘西軍退神武使樂追之周文大窘而走獲周文金帶一束以歸神武雖喜其勝且怒其失周文令伏諸地親按其頭連頓之取絹二千疋歷樂因賜之累遷司徒封陳留王

周梁 昕字元明安定烏氏人祖重耳彰縣令父勸儒中散大夫昕少溫恭見稱州里周文帝迎魏孝武昕以三輔望族上謁周文見昕容貌瓌偉卽授右府參

軍累遷東荊州刺史有仁惠聲後進開府儀同三司

明帝進爵胡城縣伯出爲陝州總管府長史性溫裕  
有幹能歷官咸著聲稱卒諡曰貞

席 固字子堅安定人少有遠志梁大同中爲齊興  
郡守士多附之遷興州刺史大統中歸魏周文甚禮  
遇之拜豐州刺史累封靜安郡公昌州刺史固居家  
孝友蒞官頗有聲績卒於州諡曰肅子雅少以孝聞  
位大將軍

隋皇甫績字功明安定朝那人祖穆魏隴東太守父道  
周湖州刺史績三歲而孤外祖韋孝寬愍其孤幼不

甘肅通志

卷三十五

人物

七

加嚴訓績歎曰我無庭訓何以自立遂感激好學畧  
涉經史周武帝時引爲侍讀轉官尹中士武帝避暑  
雲陽宮衛刺王作亂百僚多遷績聞難赴之遇太子  
於元武門太子執績手悲喜交集帝聞而嘉之開皇  
初拜都官尙書出爲晉州刺史言陳有三可滅上嘉  
勞而遣之及陳平拜蘇州刺史高智慧等作亂破之  
拜信州總管徵還京師卒諡曰安

牛 弘字里仁安定鶉觚人父允魏侍中臨涇公弘  
性寬裕好學博聞仕周爲記室內史掌文翰龔父封

臨涇公隋開皇初授散騎常待秘書監弘以典籍遺  
逸上表請開獻書之路上納之詔獻書一卷賚縑一  
疋一二年間經籍畧備進爵奇章公後拜禮部尚書  
敕脩撰五禮勒成百卷行世弘請依古制脩立明堂  
上以時事草創未遑制作竟寢不行六年除太常卿  
九年詔定雅樂又作樂府歌詞撰定圓丘五帝凱樂  
并議樂事上善其議詔弘與姚察等正定新樂是後  
議置明堂詔弘條上故事上甚敬重之時楊素恃才  
矜貴輕侮朝臣唯見弘未嘗不改容自肅素將擊笑

甘肅通志

卷三五

人物

七

厥詣弘言別弘送素至中門而止素曰大將出征故  
來叙別何相送之近也弘遂揖而退素笑曰奇章公  
可謂其愚不可及也尋拜吏部尚書詔與楊素蘇威  
薛道衡許善心虞世基崔子發等并召諸儒論新禮  
隆殺輕重弘所立議衆咸推服獻皇后喪楊素謂弘  
今日之事決在於公弘斯須之間儀注悉備皆有故  
實素嘆曰衣冠禮樂盡在此矣非吾所及也弘在吏  
部其選舉先德行而後文才務在審慎用多稱職隋

之選舉於斯爲最時論彌服大業二年進位上太將

軍六年從幸江都卒贈文安侯謚曰憲有文集十三卷行世

梁 睿字恃德安定烏氏人父禦西魏太尉睿少沉敏有行檢周太祖時襲爵廣平郡公進蔣國公歷涼安二州總管俱有惠政後益州總管王謙反命睿爲行軍元帥率兵討謙斬之劍南悉平威震西川進位上柱國睿威惠兼著民夷悅服聲望逾重隋高祖受禪睿待彌隆睿復上平陳之策上善之時突厥方彊復陳鎮守之策十餘事上嘉歎久之睿自以周代舊

甘肅通志

卷三五

人物

古

臣久居重鎮威名太盛內不自安遂謝病闔門不交當代卒謚曰襄

梁 毗字景和安定烏氏人祖越魏涇豫洛三州刺史邵陽縣公父茂周滄克二州刺史毗性剛褻頗有學涉隋初拜治書侍御史遷雍州贊務直道而行無所回避頗失權貴心出爲西寧州刺史先是蠻夷酋長以金多者爲豪僞每尋干戈畧無寧歲毗患之後因諸酋長相率以金遺之毗置金座側對之慟哭謂曰此饑不可食寒不可衣汝等以此相滅今將此來

欲殺我耶一無所納悉以還之於是蠻夷感悟遂不相攻徵爲大理卿持法平允進位上開府因上封事抗言楊素擅權寵作威福利國家有事帝重其不屈素任寄隆重多所挫折朝士懼伏有敢與相是非詞氣不撓者獨毗與柳或李綱而已大業初遷刑部尚書攝御史大夫事劾宇文述私役部兵固爭之

梁彥光字脩芝安定烏氏人祖茂魏秦華二州刺史父顯周荊州刺史彥光少有至性七歲時父遇篤疾藥求紫石英不得彥光憂瘁忽於園中見一物不識

甘肅通志

卷三五 人物

五

怪而持歸卽紫石英也人咸異之謂至孝所感隋高祖受禪爲岐州刺史甚有惠政嘉禾連理出於州境開皇二年前上幸岐州悅其能下詔褒美岐州俗淳以靜鎮之合境大化課最第一轉相州刺史相俗多詐爲之作歌稱其不能理化坐免歲餘拜趙州刺史彥光請復爲相州上從之豪猾聞而嗤笑彥光下車發擿姦隱有若神明合境大駭狡猾潛竄乃招致大儒每鄉立學教授策試人皆尅勵風俗大改吏民咸悅

畧無爭訟卒諡曰襄子文謙弘雅有父風遷鄱陽太



守治稱天下最微拜戶部侍郎

田德懋平涼人觀國公仁恭子少以孝友著名開皇初以父軍功爵平原郡公授太子千牛備身丁父艱哀毀骨立廬於墓側負土成墳上聞而嘉之遣侍郎元志就弔仍降璽書褒美賜縑二百米百石詔表其門閭歷太子舍人義州司馬尚書駕部郎

唐呂向字子回涇州人工草隸學通古今開元十年召入翰林兼集賢院校理侍太子友諸王時歲采天下姝好因奏美人賦以諷帝善之擢左拾遺帝好校

甘肅通志

卷三十五

人物

六

獵向又獻詩規諫進左補闕從帝東巡帝令蕃夷酋長入伏內射禽向諫詔蕃夷出仗久之遷主客郎中始向之生父岌客遠方不還存亡莫知音信訪索累年不獲它日自朝還道見一老人物色問之果父也向下馬抱父足號慟帝聞咨歎官岌朝散大夫賜錦綵樂工娛憚其心向官至工部侍郎

牛仙客涇州鶉觚人初爲縣小史令隴西營田使傅文靜器之積功遷洮州司馬河西節度使蕭嵩委以軍政清勤不懈及嵩執政薦遷太僕少卿開元末爲

朔方總管嗇事省用倉庫積實器械鋒銳遷工部尚書同中書門下三品爲相謹身無他與百司咨決無所處可惟曰如令式而已卒贈貞簡

牛僧孺字思黯隋奇章公弘後工屬文第進士元和初以賢良方正對策條指失政宰相怒調伊闕尉改河南遷監察御史穆宗時爲御史中丞宿州刺史李直臣坐昧當死帝惜其才僧孺曰法以制有才者安祿山朱泚以才故亂天下帝從之賜金紫服以戶部侍郎同平章事韓弘卒帝遣使者收其家貲簿得朝

甘肅通志

卷三十五

人物

七

臣受賄者皆在惟僧孺注某月日送錢千萬不納帝善之遷中書侍郎敬宗立進封奇章郡公時宦官擅權僧孺數表去位授武昌節度使鄂城土惡亟圯歲增築擾民僧孺陶甃以城鄂城無復歲費又廢沔州以省冗官文宗立復爲平章事尋進弘文館大學士他日帝召宰相問以致太平之道僧孺曰太平無象今四方不內擾百姓安生業雖未及至盛亦足爲治矣更求太平非臣所及退固請罷出爲淮南節度副大使三年召爲尚書右僕射會莊恪太子薨爲陳父

子君臣大倫以悟帝帝流涕以足疾乞出爲山南東道節度使賜彝尊龍勺詔曰精金古器以比君子卿宜少留固請乃行卒贈太尉謚文簡

牛蔚字大章僧孺子第進士由監察御史爲右補闕大中初屢條時政宣宗嘉之累遷吏部郎中失權倖意貶國子博士咸通中進至戶部侍郎襲竒章侯久之爲山南西道節度使治梁三年受代黃巢陷京師遁山南故吏民喜蔚至爭迎候後以尚書右僕射致仕

甘肅通志

卷三五

人物

六

牛徽蔚子蔚避地於梁道病徽扶籃輿歷閣路遇盜擊其首血流面持輿不息盜迫之徽拜曰親老而疾幸無驚駭盜感之曰此真孝子也共舉輿舍之家進帛裹創以饋奉蔚留信宿去擢吏部員外郎時選濫吏多奸歲調四千員徽治以剛明抑杜干請法度復振後名爲給事中李茂貞請假節鉞討楊復恭昭宗怒徽勸帝許之果有功後終刑部尚書

皇甫鏞字酥卿臨涇人第進士兄鏞爲相時任河南少尹見權寵太盛每極言之鏞不悅乃求分司爲太

子右庶子鏞敗朝廷賢之授國子祭酒開成初以太  
子少保卒鏞能屬文工詩爲人寡言正色衣冠甚偉  
所交皆知名士著書數十篇

宋胡順之字孝先原州臨涇人登進士試秘書省校書  
郎知休寧縣有縣民汪姓者豪橫縣不能制歲租賦  
常不入逮捕不肯出順之置諸法爲青州從事高麗  
入貢中貴人挾以爲重使州官旅拜於邸順之獨不  
拜大姓麻士瑤陰結貴侍匿兵械服用擬尚方州縣  
被凌蔑莫敢發其姦又殺其兄子其母訴於州衆相

甘肅通志

卷三五 人物

尤

視曰孰敢往捕者順之盡得其黨有詔鞫問士瑤論  
死子弟流放者百餘人改知常熟縣遷太常博士明  
道間再上宰相書乞太后還政仁宗嘉其忠遷尚書  
屯田員外郎其後數論朝廷事范仲淹愛其才州里  
皆敬之

曲 珍字君玉隴干世族寶元康定間夏人屢入寇  
珍諸父糾族黨禦之敵不敢犯於是曲氏遂以材武  
長雄邊關珍善騎擊劔嘗與諸父出塞游獵猝遇夏  
兵圍之奮擊大呼夏人披靡得出顧叔未出復持短

兵還決鬪遂俱脫元祐初爲環慶副總管夏師數十萬寇涇原珍馳三百里襲破之曲律山俘斬千八百人進東上閣門使忠州防禦使

向寶鎮戎軍人善騎射年十四遇敵戰斬首二級及壯以勇聞有虎踞五原東西百里斷人迹寶一矢殪之道過潼關巨盜郭邈山多載關中金帛子女寶射走之盡得其所掠嘗至太原梁適射弩再中的授寶矢射之四發三中適曰今之飛將也神宗稱其勇比薛仁貴歷官至嘉州團練使

甘肅通志

卷三十五 人物

三

姚 兕字武之宋史五原人一統志隆德人父寶戰死定川兕補右班殿直爲環慶巡檢與夏人戰一矢斃其酋衆潰因乘之遂破蘭浪敵大舉入邊有悍酋臨陣甚武兕射中其目斬首還明日來攻益急兕射殺數百人裂指流血又遣子雄引壯騎馳掩其後敵退攻大順城兕復往救轉鬪三日斬級數千卒全二城後慶軍叛兕守西關盜不得入而奔兕追及與語皆感泣羅拜誓不復爲亂神宗聞其名召入覲賜銀

鎗袍帶遷都監從攻河州飛矢貫耳戰益力河州旣

得又爲鬼章所圍兕曰解圍之法當攻其所必救乃擊隴宗圍遂解從攻交趾有功領雅州刺史徙熙河與种誼合兵討鬼章於洮州擒之拜通州團練使兕以父戰死凡圖畫器用皆刻仇讐未報字事母盡孝力學兵法老不廢書尤喜顏真卿翰墨曰吾慕其人耳弟麟亦有威名關中號二姚

姚麟字君瑞兄兕攻河州時俱在兵間中矢透骨以強弩出鏃笑語自若積功至皇城使從李憲討生羌擒冷雞朴再轉英州刺史元豐西討從劉昌祚出

甘肅通志

卷三十五

人物

三

戰勝之督諸軍討堪哥平經畧使盧秉上其功狀賜金帛六百元祐初擢威州團練使歷殿前都虞候紹聖三年拜武康軍節度使王瞻取青唐麟以爲朝廷討伐方息肩奈何復生此大患已而瞻果敗徽宗立進檢校司徒卒贈開府儀同三司麟爲將沉毅持重不少縱捨宿衛將常犯法詔釋之麟杖之於庭而後請拒詔之罪故所至肅然

姚雄字毅夫兕子少勇鷲有謀年十八卽佐父討

金湯以百騎先登奪隘又成荔原之功歷涇原秦鳳

將累佐騏驥使紹聖中渭帥章彙城平夏夏人傾國  
來爭雄與鏖鬪流矢注肩戰愈厲敵引卻追躡大破  
之斬首三千級徙知會州王瞻畧地青唐羌人攻湟  
鄯雄與苗履援之羌驚潰履謂無虞雄嚴備以待俄  
而賊至雄整衆迎擊破之獻馘二千哲宗遣中使勞  
問徙河州种朴戰没王瞻軍陷敵中雄自鄯至湟四  
戰皆捷拔出之遂築安鄉關夾河立堡以護浮梁通  
湟水漕運商旅負販入湟者始絡繹於道復加防禦  
使建中靖國初議棄湟州雄以爲可棄蔡京用王厚

甘肅通志

卷三十五

人物

三

復河湟治棄地罪停雄官光州居住後竄金州及西  
寧諸戍阻絕乃起雄權經畧熙河使召詣闕爲中太  
乙宮使引疾納節鉞改左金吾衛上將軍尋以檢校  
司空致仕卒贈開府儀同三司諡武憲

郭 成字信之德順中安堡人從軍得供奉官王師  
趨靈武成將涇原兵擊破夏人於漫哆隘有羌馳突  
陣前大將劉昌祚曰誰能取此者成躍馬斬其首以  
獻朝廷築平夏城置將成之問可守者諸將皆曰非

郭成不可遂使往守夏人恚失地傾國入爭連營百

里飛石激火晝夜不息成與折可適以萬騎異道並進遂俘阿埋都逋二大酋捷聞進雄州防禦使涇原鈐轄徽宗詔築綏戎懷戎二堡成獨當其役暴露雪中感疾卒帝悼之甚賻以金帛官其子成輕財好施名震西鄙廉訪使王孝竭白於朝帝手書報曰郭成盡忠報國有功於民宜載祀典榜其廟曰仁勇

郭浩字充道成子徽宗時充環慶路第五將部將嘗率百騎至靈州城下夏人以千騎追之浩手斬二將首以還擢渭州兵馬都監尋陞鄜延路安撫使時

甘肅通志

卷三十五

人物

三

二敵交侵浩守保安一軍對壘一年敵不能犯後爲秦鳳路經畧使知秦州金人侵和尚原浩與吳玠隨方捍禦蜀賴以全遷防禦使金人以步騎十餘萬窺川口抵殺金坪浩與吳玠大破之遷彰武軍承宣使徙知金州金州殘敵特甚浩招集流亡開營田以其規置頒示諸路朝廷嘉之凡有奏請得以直達金人還河南地以浩充陝西宣諭使知金州後拜檢校少保卒贈少師諡恭懿

楊政字直夫原州臨涇人崇寧初父忠與夏人戰



殺政甫七歲哀號如成人母曰此兒孝於親必忠於君其大吾門乎建炎間從吳玠擊金人九戰九捷紹興元年金人趨和尚原政引兵大破之拜恭州刺史四年金精兵十萬欲道仙人關入蜀政說玠曰此地爲蜀阨塞當堅守玠遂築壘關外敵帥督戰益急政以神臂弓射之又出不意夜斫其營敵遁去授環慶路安撫使政母留敵境遣人省母母惟勉以忠義後和議成始迎母歸詔封感義郡夫人以政爲熙河路經畧安撫使知熙州又敗金人於鳳翔又敗金人於寶鷄擒萬戶通檢凡大戰七斬獲甚多拜武當軍節度使和議成召還軍民詣部使者借留加少保久之拜太尉卒贈開府儀同三司諡襄毅政守漢中六堰久壞失灌溉之利政爲脩復漢江水決爲害政築長堤捍之凡利於民者不敢以軍旅廢政爲吳璘裨將及與璘分道建帥執門下之禮益恭世頗賢之

吳玠字晉卿德順軍隴干人少沉毅知兵善騎射

讀書能通大義以良家子隸涇原軍政和中爲隊將從討方臘破之夏人攻懷德軍玠追擊斬級多擢第

二副將建炎初金人畧秦雍玠逆擊大破之追奔三十里金人攻延安府玠攻華州拔之張浚巡關陝授玠統制升涇原路副總管尋爲秦鳳副總管時兵火之餘玠勞來安集民賴以生轉忠州防禦使張浚合五路兵欲與金人決戰玠言宜守要害須其弊而乘之不聽遂大潰玠收散卒保和尚原積粟繕兵爲死守計鳳翔民感其惠相與夜輸芻粟助之玠償以銀帛民益喜金人怒邀殺之民輸如故敗金將烏魯折合拜明州觀察使兼陝西都統制兀朮會諸道兵十

甘肅通志

卷三十五

人物

三

餘萬攻和尚原玠命分番迭射號駐隊矢連發如雨注大敗之兀朮中流矢走以玠爲鎮西軍節度使撒离喝長驅趨洋漢玠自河池日夜馳三百里以黃柑遺敵撒离喝大驚大戰饒風嶺六晝夜死者山積未幾金人北歸玠令邀擊之死者以千計盡棄輜重去進玠少保階成鳳州制置使敵復攻仙人關與弟璘合擊敗之金人宵遁復秦鳳隴三州拜少師保定軍節度使玠與敵對壘十年常苦遠餉勞民益治屯田

歲收至十萬斛治廢堰民知灌溉可恃願歸業者數

萬家進四川宣撫使卒於仙人關諡武安玠善讀史  
用兵本孫吳務遠畧不求小近利故能必勝御下嚴  
而有恩故士樂爲之死用將佐視勞能爲高下先後  
方金人一意睨蜀微玠身當其衝無蜀久矣故西人  
至今思之立廟於仙人關號忠烈淳熙中追封涪王  
子拱亦握兵

吳 璘字唐卿玠弟也從玠攻戰積功至宣贊舍人  
紹興初箭箬關之戰璘功居多守和尚原兀末大入  
玠兄弟死守分合三十餘陣璘隨機而應兀末中流

甘肅通志

卷三十五

人物

吳

矢遁陞副都總管玠命別營仙人關金帥撒離喝以  
兵十萬至璘血戰七晝夜金兵大敗自是不敢窺蜀  
者數年除知秦州金兵大入璘守河池屢敗之又以  
壘陣法更休迭戰士殊死鬪金將胡蓋習不祝大敗  
降者萬人胡蓋走保臘家城璘圍而攻之城垂破詔  
班師秦檜主之世將浩歎而已後入覲拜少保三十  
一年金主敗盟拜四川宣撫使兼陝西河東招討使  
遣將屢敗敵兵乾道初入朝拜太傅封新安郡王改

判興元府及還鎮兩宮宴餞甚寵入辭德壽宮高宗

解佩刀賜之璘至漢中脩復褒城古堰溉田數千頃  
民甚便之卒贈太師追封信王璘守蜀餘二十年隱  
然爲方面之重威名亞於玠

吳挺字仲烈璘子累遷利州東路統制紹興三十  
一年金人渝盟挺願自力軍前以爲中軍統制旣復  
秦州金人以兵來爭挺破其治平砦已而戰南市城  
挺率背嵬騎盡易黃旗繞出敵後敵遂驚敗擢榮州  
刺史以瓦亭功授郢州防禦使淳熙年除陝西河東  
路宣撫使尋加熙河路經畧安撫使時年二十五會

甘肅通志

卷三五 人物

三

議和旋軍十年冬加檢校少保成州西和歲大疫挺  
力爲賑恤分軍儲以佐之全活數十萬紹熙四年以  
疾乞致仕詔加太尉卒贈少師挺少起勲閩弗居其  
貴禮賢下士雖遇小官賤吏不敢怠忽拊循將士人  
人有恩璘故部曲拜於庭下輒降答之卽失律誅治  
無少貸璘嘗對孝宗言諸子中惟挺可任

金張中孚字信甫安定鎮戎人父達仕宋至太師封慶  
國公金圍太原戰歿於軍中孚涕泣率部曲十餘人  
入大軍中竟得父尸以還後降金睿宗以爲鎮洮軍

節度使知渭州劉豫括民田籍丁壯爲軍中孚竟執  
不從涇原獨免培克之患後拜參知政事遷尚書左  
丞相封南陽郡王卒中孚天性孝友剛毅與弟中彥  
居未嘗有間言喜讀書馭士卒嚴而有恩西人尤畏  
愛之

張中彥字才甫中孚弟歷官至臨洮尹兼西秦路都  
總管鞏州賊劉海搆亂中彥惟論爲首者戮之西羌  
恃險不服朝廷使御史就論方畧中彥曰此羌服叛  
不常若非中彥自行勢必不可卽至積石豪長四十

甘肅通志

卷三五

人物

三

來約降事遂定加儀同三司

明楊思道字慶輔爲元鞏昌總管善易學時明兵北伐  
思道乃棄官遁華亭西山大將軍知其賢命署縣事  
遭兵亂餘民止八戶思道乃招諭民戶凡千一百有  
奇遂葺縣治脩學校久之思道退占籍爲武村里人  
藩臣薦爲本學訓導陞山西襄陵教諭九年致仕  
劉 偲靈臺人辟經明行脩授福建道監察御史久  
居風憲有聲名

張 諒字子貞華亭人聰明過人有膂力善騎射居

家孝友嚴肅輕財好義永樂中以貢生歷官貴州參議諸苗反英宗知諒嚴明可用詔至煖閣親諭賜白金及劍俾專征遂討平之陞參政

黃種隆德人永樂中貢生除戶科給事中鯁介不苟久居清要及歸行李蕭然

楊諶字伯維華亭人舉永樂十五年鄉試有謀畧善騎射初任工部主事陞湖廣司郎中正統間寧德等縣礦賊反官軍討之失利英宗諭諶討之諶承命不歸私第既至宣布朝廷恩意招來王孟光等一千

甘肅通志

卷三五

人物

五

一百四十九戶給糧存恤諸縣遂安獨崇悅不降諶率衆直抵其寨悉擒之闕賊穴婦女財貨不可勝計今日敢私者斬俾婦女各歸其家餘悉籍奏詔嘉之陞本部侍郎兼撫治寧夏

王珏涇州人登永樂十九年進士爲監察御史骨鯁敢言朝野望其風采時人呼爲鐵面御史

余俊平涼人宣德正統間歷任介休聞喜二縣教諭俱教有成效陞成都府教授

王政字裕民華亭人天性孝友有學行善騎射正

統中以監生授工部主事歷任員外郎中成化初擢  
浙江參政時有叛賊王好已作亂政率兵平之

齊 禮字克敏隆德人正統間貢性剛介居家以孝  
友稱授陝州知州有異政先是州多虎患禮至虎悉  
遠去又池生瑞蓮人以爲德政所致九載考最陞貴  
州黎平知府拊循苗夷興學校設科條以表正風俗  
爲務卒於官黎人思之爲立祠

郭 堅字屏翰靜寧州人正統十四年貢慷慨好義  
負有大志勤苦力學卓爲時望歷知密雲順義東鹿

甘肅通志

卷三十五

人物

三

三縣陞涿州知州政績甚著

石 輅字君輿華亭人膂力善射舉景泰七年鄉試  
成化會試場災士爭踰牆輅援之悉生授南城兵馬  
指揮有盜百餘人聚劫東城富民輅馳救射殺數人  
獲其魁餘皆遁走憲宗聞之詔賜紵絲白金補東城  
兵馬繼擢高唐知州路當要衝清約却饋大變奢風  
民貧者爲置牛租母彘以爲業逋逃者招歸凡有利  
可興者悉舉之高唐民戴如父母及去民刻碑頌遺

愛焉

林廷玉字粹夫平涼人本福建候官籍以父芝教授  
平涼遂家焉成化二十年進士授吏科給事中劾僧  
維曉棄市中外快之陞工科都給事中學士程敏政  
主會試給事中華儆劾其賣題下獄廷玉言諫官下  
獄被劾官顧朝參非法請同敏政入獄以昭公道謫  
廷玉海州判官稍遷茶陵知州歷右通政僉都御史  
巡撫保定劾太僕丞索賂暴民者丞恃中助反誣訟  
玉罷之嘉靖初吏部侍郎胡世寧薦玉骨鯁有風裁  
宜引助新政不果用

甘肅通志

卷三五 人物

三

史 書字獻忠靈臺人成化十一年進士授山西陽  
城知縣年尚少大猾路省祭輕之置諸法民皆驚服  
省里甲貰小罪徭賦如期百務咸集再知平山縣民  
習朴治以無事歷吏部員外郎擢守保寧多善政視  
事九年以清介稱

郭 邇靜寧人涿州刺史堅子工騎射成化四年從  
總督項忠討石城賊戰輒當先生擒僞招督王滿四  
授秦州衛鎮撫十三年從都御史余子俊討洮岷叛  
番有功陞百戶累官指揮僉事嘗將精兵摧鋒陷陣



屢有斬獲尋陞都指揮僉事

張琚字文璧鎮原人少穎悟有幹局成化八年進士授工部主事查定魏二公勅賜蘆灘額外地奏屬有司以供官厥薪費陞真定知府興脩學舍積粟賑饑漚沱河泛溢沒民田盧琚疏新河洩水又築長堤百餘里民賴以安內官李廣奪民田奏檄踏勘歸田於民陞河南參政督餉革弊歷官中外有名所至輒集事云

張倫平涼衛人成化十四年進士清直自勵學以

甘肅通志

卷三十五

人物

三

經濟爲先任南京戶部主事郎中俸悉給官費無遺留丙午河陝大饑倫請發江淮運米數十萬往賑早甚河漕運阻倫百方經畫濟以陸輓致米二十餘萬不能至者糶之河南以估金賑陝活數十萬人竟以勞卒於河南人爲立祠

趙斌字時憲平涼人弘治十三年進士温厚寡言有膽畧爲舉人時路遇盜數十人斌下馬持弓盜問何人斌從容曰吾平涼趙斌矢不空發盜馳去以行人擢監察御史凡十餘年掌京畿道陞應天府丞歷

任爲政咸有方畧

仇 鉞字廷威鎮原人襲寧夏前衛指揮同知世職  
正德二年總制楊一清薦擢寧夏遊擊將軍五年安  
化王寘鐸及指揮何錦周昂丁廣反鉞時駐城外聞  
變引兵入城解甲覲寘鐸卽歸臥家稱病以所將兵  
分隸賊營錦等信之時就問計鉞陰結壯士遣人令  
報官軍旦夕至給錦廣出兵守渡口遏東岸兵勿使  
渡河錦廣果傾營出昂獨守城寘鐸以禡牙名鉞鉞  
稱病亟昂來視鉞方堅卧伏卒猝起捶殺昂鉞乃被

甘肅通志

卷三五

人物

三

甲橫刀提其首躍馬大呼壯士皆集馳詣寘鐸第縛  
之諭其部曲衆遂大潰論功封咸寧伯進署都督僉  
事充寧夏總兵官七年劉惠趙鏐等亂河南拜平賊  
將軍偕都御史彭澤討之連戰皆捷俘斬不可勝計  
盜首先後被擒出師四月河南賊悉平論功進世侯  
十年稱疾解營務世宗立再起掌前府事未上卒諡

武襄

周 鑑字子明平涼人舉嘉靖三十一年鄉試第一

三十二年進士授刑部主事考最厯僉事督學四川

山東其所品鑑一時得士最盛名士多出其門陞河南左布政使遷右副都御史鑑有政才所至多風力持法嚴人不敢犯雖藩府每事必裁抑妖賊曹倫起儀封鑑擒斬之所司具狀上聞爲忌者所沮抑竟未叙功張居正當國威讐朝野以葬親歸道過河南卿大夫迎謁禮甚卑鑑獨守常儀居正不悅語人曰周子明珠無東道意鑑遂抗章自劾求去凡五上未允部議擬調俄有中旨准致仕歸家

何宗賢涇州人成化間進士官僉事弟宗禮亦官副

甘肅通志

卷三十五

人物

言

使兄弟講學有文名

姚爵字汝脩靜寧人正德六年進士初授刑部主事歷陞湖廣司郎中公明果斷廉正自持歲戊寅武宗巡遊爵抗疏累諫廷杖幾斃辛巳春奉命勘事大名府稱平允恤刑四川理冤伸枉尤多平反陞河南開封知府未赴任道卒

董希曾隆德人舉正德十一年鄉試初授保安知州礦盜可洪等衆二十餘連結鼓煽伺釁將發時承平日久郡縣無備希曾結以恩信開誠布公賊感悅相

率歛輯卒不爲亂尋陞東昌府同知亦著政績

趙時春字景仁平涼人爲人嚴毅介特與士大夫處意有所不可議論有所不合必引繩按矩詰責之不少貸人服其正年十四舉於鄉踰四年舉嘉靖五年會試第一授庶吉士改戶部主事尋調兵部九年疏請禁諛佞正士風又疏請崇治本信號令廣延訪勵廉恥惜人才固疆圉正治教七事下詔獄黜爲民旣起編脩兼司經局校書帝有疾疏請東宮御殿受正旦朝賀復黜爲民會京師被寇世宗用薦召爲兵部

甘肅通志

卷三十五

人物

三

職方主事仇鸞恃寵倡馬市損國擾邊時春抗議不合又以能兵爲鸞所忌幾得罪稍遷山東僉事轉副使三十二年擢巡撫山西僉都御史提督雁門諸關武備甚脩其爲政斥貪墨省征徭抑請托絕饋遺宗藩貴宦相戒不敢犯法其年九月寇入神池利民諸堡時春率兵往禦擐甲策馬至大蟲嶺遇伏兵敗績被論解官時春少喜談兵讀書善強記凡天文地理戶口錢穀多寡之數能歷歷誦之所爲文章豪肆與

唐順之王慎中齊名唐順之嘗曰宋有歐蘇明有王

趙其推重如此著有浚谷集行世

許理字伯溫鎮原人正德六年進士授丹陽知縣羣奸橫征苦誅求邑當要路理省費十之三豪右欺隱公帑各數千金累請謁縣令莫能治理置之法而括財歸官會水災租不入悉以前金代輸陞任兵科將行民垂涕贖金送者千餘人理悉卻之及給諫彈劾不避權貴大吏貪墨并時政之弊者輒上封事論皆得體中外憚之

劉時中字大本華亭人國學生正德十四年授大名

甘肅通志

卷三五

人物

美

府檢校幹敏疏通太守任君中深賞之數任以疑事  
事皆辦開州豪吏韓甲爲伯所訟州使徒往捕甲甲  
擊殺徒藏其衣壁中而屍於伯氏之門州收其伯掠  
治承服時中覆訊盡得枉狀部徒搜甲獲其衣刀闔  
府驚異大名縣喪尹吏民敗亂時中攝行數月卽治  
剡懷德隆德人貢生授永川丞攝縣事嘉靖間值白  
蓮賊反勢甚張旬日陷七縣轉寇永川吏民震恐懷  
德以忠義激勸嬰城固守賊悉衆薄城攻甚力懷德

應變俱有方畧引弓射中賊帥衆乘勢百弩齊發賊

敗道率衆馳逐俘斬數百人

楊文奎隆德人以貲補國子生授靈邱知縣有幹才  
持正不阿縣故有虎爲民害文奎齋沐禱祀三日虎  
竟死太白山有礦跡中官欲奏聞之文奎以爲擾民  
堅執不可事得已近山多盜時出寇掠文奎謀知選  
壯士二百人躬擐甲胄率二子往討之斬首五十餘  
級賊遂平陞衢州府同知

甘肅通志

卷三五

人物

五

喜刑名時縣以爭田訟者七十餘家迪嘆息曰是關  
風化非刑獄所能止也廼期日引諸訟者集列庭中  
爲之陳遜讓敦睦之義在反開曉辭氣慷慨於是訟  
者感愧各願罷去無復以田爲言者迪治理率多類  
此及去民思其德爲立祠

張世爵崇信人嘉靖間貢士任四川安居縣簿爲政  
寬平廉靜不尚苛刻故事司糧務者歲有例金里甲  
循例以獻世爵曰若輩以吾爲何等乃以赤驢相污  
耶揮之去宥過獎善以誨諭代鞭朴安人感德立祠

祀之居鄉睦嫻尚義里黨矜式

靳賢字子哲靜寧州人舉隆慶元年鄉試性至孝萬曆中知沁源縣俗多逋租率由田土未清賢履畝勸丈絕其兼并自是沁源無催科之累又捐俸置機房以教民織縣城土築賢至始甃以磚沁人感戴爲之立祠尋擢潞安府通判署事澤州皆稱明決時值歲歉捐資賑濟全活尤多賢丰姿挺秀自律甚嚴而待人和藹尚義好施親族賴之

江渤字漢海靜寧州人性鯁介慎名節恬退自矢萬曆二十一年選貢除知山西芮城縣時縣有陋規

甘肅通志

卷三十五

人物

三

新令赴任送途費三百金渤揮去曰此民脂膏耳何玷吾官箴爲解組日囊橐蕭然歸里杜門手不釋卷默居衣冠危坐聞官司過門輒起立古冥行君子也董三秦隆德人萬曆十年選貢歷官河南真陽知縣爲人廉正難干以私其治真陽誅鋤強豪拊循柔善深得寬猛之宜時白蓮教寇亂勢甚劇三秦往招之賊素服其威信胥受撫

連捷字金門平涼人工舉子業試輒冠儕輩久著

名諸生間舉天啓元年鄉試爲人寬和尤敦友讓與

弟芳同居終身無間言素恬靜不與人競未嘗見有  
睚眦之怨鄉曲皆稱之

楊可教靈臺人萬曆間貢生任城武訓其先仲紀以  
貢尹豐潤長厚多善政以理學傳家可教博聞強記  
窮極經史時與弟可立互訂理學耄年不衰

董三策隆德人萬曆間貢士授黃州府通判性廉介  
持正不阿其佐郡治以薄賦稅寬民力爲急在官數  
年政化大行遠人歸慕去官黃州人思之爲立祠萬  
曆四十五年隆德饑時三策居家出所積俸糴粟收  
甘肅通志

卷三十五

人物

无

養宗族計口授食舉宗無有饑者

王 琪字公甫靜寧州人少穎達好古博學家世藏  
書數萬卷爲文有體詩亦入格善書法與弟瓚齊名  
而行誼素孚於人以副榜入貢所著有鞞線集

王 瓚字藍壁靜寧州人明末進士授山西孝義知  
縣遷黃梅令除其鋼害梅民立碑志德歷陞湖廣武  
昌僉事道時闖獻猖獗江漢震驚瓚調兵駐防分守  
衝要設伏誘擊擒殺頗多而賊衆益集攻陷楚城瓚

扣左良玉軍門號泣請師瓚擐甲督陣直抵鄂渚斬



賊萬計不旬日而武黃漢三郡州縣皆復如故尋陞  
參政卒年七十七

皇清楊可立字止止靈臺縣人淹貫羣書少工文藝究心  
周程張朱之學體認求放心工夫樂教人爲善建塾  
訓鄉里子弟遠近從之以明經授藍田訓導陞鎮安  
教諭優恤貧生致仕歸設義田周窮乏晚尤好學篤  
行著述甚多學者稱爲淡齋先生植歲荒有百餘人  
採食首蓄可立憫之各給米數斗去有羣盜攻掠居  
民謂其衆曰楊某名賢衆毋擾其爲小人敬服如此  
甘肅通志

卷三五

人物

卑

慕天顏字拱極靜寧州人順治十二年進士初任浙  
江錢塘縣令陞福建興化知府審理軍需案費關百  
萬事連府州縣官數百人屢年不決天顏得其要領  
庫帑以清尋攝太常卿招撫臺灣授興泉道陞江蘇  
布政使入

覲條奏八事其一黃淮全局情形其二淮揚涸田寬徵其  
三請除荒坍田糧其四請減浮糧額數其五永行均  
田均役其六選用守令能員其七恤給罪囚口糧其  
八閩海寨遊設防而治河閩防二事荒坍浮糧之弊

尤爲確切康熙十五年陞江蘇巡撫十六年捐造烏  
船四十隻火藥二十萬斤砲手一千二百名解送岳  
州軍前加兵部尚書江南屢荒皆由水道不治復奏  
大興水利請濬常熟白茆港武進孟瀆河諸處蓋吳  
淞劉河白茅孟瀆爲蘇松常鎮之四大幹河不可不  
急治也疏入報可又蘇松常太長等十州縣有歷久  
版荒之田有江湖衝塌之坍江有地入公家糧存編  
戶謂之公占三者歷年里甲包賠官司那墊至是因  
地震陳言請豁勘實坍荒地共二千三百六頃歷  
甘肅通志

卷三五 人物

望

年缺額銀二百三萬零而版荒坍江公占諸虛租遂  
得永豁以覈京口駐防事去官二十三年起復湖北  
巡撫旋調貴州陞總督漕運因條列漕政復歲造船  
隻之例剏渡江先後之法請江北紅白兼收以便土  
宜又嚴斛卒盤驗之法於過淮倡合幫互挽之條於  
上間所著有撫吳封事楚黔封事督漕封事輯瑞陳  
言刻行後卒於蘇州葬於吳

慶陽府

漢李息郁邳人事景帝至武帝立八歲爲材官將軍  
軍馬邑後六歲爲將軍出代後三歲爲將軍從大將  
軍青出朔方凡三爲將軍後常爲大行渾邪王謀欲  
降漢是時大行李息將城河上得渾邪王使卽馳傳  
以聞上乃令去病將兵往迎之元鼎間西域旣通置  
河西郡後先零羌合兵十餘萬圍枹罕息與郎中令  
徐自爲將兵十萬人擊平之始置護羌校尉持節統  
領焉

甘肅通志

卷三五

人物

望

公孫敖義渠人以郎事景帝至武帝立爲騎將軍出  
代後五歲以校尉從大將軍青封合騎侯後一歲以  
中將軍從大將軍再出定襄後二歲以將軍出北地  
後十四歲以因杆將軍築受降城凡四爲將軍

公孫賀字子叔北地義渠人祖昆邪景帝時爲隴西  
太守以將軍擊吳楚有功封平曲侯著書十五篇賀  
少爲騎士從軍數有功武帝卽位遷至太僕賀夫人  
衛皇后姊也賀由是有寵元光中爲輕騎將軍從大  
將軍青出有功封南窳侯坐酎金失侯後八歲遂代

石慶爲丞相封葛繹侯時朝廷多事督責大臣賀引拜爲丞相不受卽綬頓首涕泣曰臣本邊鄙以鞍馬騎射爲材官誠不任宰相上與左右見賀悲哀感動下泣曰扶起丞相賀不肯起上廼起去賀不得已拜出左右問其故賀曰主上賢明臣不足以稱恐負重責從是殆矣賀子敬聲代賀爲太僕父子並居公卿位敬聲驕奢不奉法坐事死

傅介子北地人以從軍爲官先是龜茲樓蘭皆嘗殺漢使者元鳳中介子以駿馬監求使大宛因詔令責

甘肅通志

卷三十五

人物

望

樓蘭龜茲國介子至責其王各謝服因率其吏士共斬匈奴使者還奏詔拜爲中郎遷平樂監復遣介子齎金幣揚言賜外國至樓蘭王貪漢財物來見使者介子與坐飲壯士二人刺之立死遂持王首還詣闕公卿議者咸嘉其功詔封爲義陽侯食邑七百戶

甘延壽字君況北地郁郅人少以良家子善騎射爲羽林投石拔距絕於等倫嘗超踰羽林亭樓由是遷爲郎試弁爲期門以材力愛幸稍遷至遼東太守車騎將軍許嘉薦爲郎中諫大夫使西域都護騎都尉

與副校尉陳湯共誅斬郅支單于封義成侯薨諡曰壯

梁 懂字伯威北地弋居人也懂有勇氣慷慨好功名延平元年爲西域副校尉都護段禧長史趙博守它乾城城小懂以爲不可固乃說龜茲王欲入共保其城懂旣入遣將急迎禧博合軍八九千人龜茲吏人並叛其王反共圍城懂出戰大破之二年春敦煌衆羌叛朝廷發兵西擊詔懂留援懂進兵擊破之追至昭武及至姑臧降其大豪三百餘人河西復安受

甘肅通志

卷三五 人物

四

詔屯金城關羌犯三輔卽引兵赴擊轉戰武功美陽關連破走之盡得所掠生口羌遂奔散朝廷嘉之賜書勞勉委以西方事三年行度遼將軍事救耿种于美稷破何奴烏桓卽拜度遼將軍

王 圍郁郅人爲強弩將軍以勇武顯聞有射法五

卷

備 育北地人顯宗初與將軍馬武等擊羌功冠諸軍後爲武威太守屢有戰功詳涼州名宦

魏傅 假字蘭石北地人介子之後弱冠知名司空陳

羣辟爲掾時劉邵作考課法嘏以殿最之課未盡人  
才作論難以箴其失後爲河南尹遷尚書時議征吳  
嘏言非便時不從出師果爲諸葛恪所敗正元二年  
平母邱儉文欽之亂嘏謀居多進封陽鄉侯

晉傳

祇字子莊魏太常嘏子性至孝以才識明練稱

武帝時起家太子舍人累遷散騎黃門郎爲滎陽太  
守時河濟泛溢乃造沉萊堰以時蓄洩克豫無水患  
後以討楊駿功封靈州縣公氏人齊萬年反祇率夏  
侯駿討平之及趙王倫輔政祇辭疾倫強之使就職

甘肅通志

卷三十五 人物

翌

惠帝還宮請退不許懷帝卽位加右僕射中書監祇  
明達國體朝廷制度多所經綜著文章駁論十餘萬

言

傳 宣字世弘祇子年六歲喪繼母哭泣如成人長  
好學趙王倫以爲相國掾尚書郎懷帝卽位轉吏部  
郎御史中丞宣弟暢少有重名以選入侍講東宮爲  
秘書丞沒於石勒

傳

元字休奕北地泥陽人燮之孫少孤貧博學善

屬文解鐘律舉秀才除郎中選入著作撰集魏書歷

官弘農太守典農校尉所居稱職太始四年有水旱之災上便宜五事詔稱善遷司隸校尉元天性峻急不能有所容每有奏劾或值日暮捧白簡整簪帶坐而待旦於是貴游懾伏臺閣生風元雖貴顯而著述不廢撰論經國及三史故事評斷得失名傳子內外中篇凡四部六錄并文集百餘卷行於世其後追封清泉侯子咸

傳 咸字長虔剛簡有大節風格峻整疾惡如讐推賢樂善好屬文咸寧初襲父爵拜太子洗馬累遷司

甘肅通志 卷三十五 人物 吳

徒左長史在位多所執正以世俗奢侈上書極諫朝廷從之遷尚書左丞惠帝卽位楊駿輔政咸規諫諷切駿漸不平駿誅咸轉太子中庶子遷御史中丞汝南王亮輔政專權咸又切諫亮不納僕射王戎兼吏部咸奏戎備位台輔兼掌選舉不能謚靜風俗人心傾動開張浮競咸累自上稱引故事條理灼然吳郡顧榮嘗曰傅長虞爲司隸勁直忠果按劾驚人雖非周才偏亮可貴也卒贈司隸校尉諡曰貞

宋傅弘之字仲度北地泥陽人高祖祇晉司徒弘之少

侗儻有大志仕宋累遷建威將軍順陽太守武帝北伐弘之等七軍自武關入弘之素善騎乘曾於姚泓馳道內緩服戲馬甚有姿致聚觀者數千人並嗟嘆稱善留爲雍州治中從事義真東歸赫連勃勃傾國追躡於青泥大戰弘之躬貫甲冑氣冠三軍軍敗陷沒逼降不屈時天寒裸弘之弘之叫罵見殺

魏梁 祚北地泥陽人篤志好學歷治諸經尤善公羊春秋鄭氏易常以教授有儒者風而無當世之才與幽州別駕平恒有舊時請與論經史辟秘書中散後

甘肅通志

卷三五 人物

聖

爲中書博士撰訂陳壽三國志名曰國統又作代都賦頗行於世清貧守素不交勢貴子元吉有父風

唐康 壽真寧人任襄陽穀城令有美政野有馴翬村無吠犬子智任縣令政治公平有父風有墓碑

宋王 庶字子尚慶陽人崇寧間進士第知涇州保定縣以种師道薦通判懷德軍高宗初爲鄜延經畧使累立戰功進龍圖閣待制節制陝西六路軍馬金人大入破潼關庶傳檄諸路會期進討曲端與庶不協屢督不進延安遂陷自劾得罷紹興五年起復知興



元府利夔路制置使庶以士卒單寡籍興洋壯丁以時簡閱未半年有兵數萬六年除湖北安撫使知鄂州趨闕陳紹復大業上大異之進直學士七年以兵部侍郎召入對奏恢復之功未立失在偏聽欲速輕爵賞是非邪正混淆誠能賞功罰罪其誰不服又口陳手畫秦蜀利害上大喜卽日遷本部尚書命庶措置江淮邊防京湖宣撫使當是時秦檜主和戎庶力詆和議乞誅金使不從七疏乞免官中丞勾龍如淵劾庶本趙鼎所薦欺君罔上奪職罷歸十三年御史甘肅通志

卷三五

人物

哭

胡汝明論庶譏訕朝政責道州安置至貶所卒孝宗追復其官諡節敏

元幹扎篲寧州人元太祖命副撒都忽爲中興路管民官國兵西征運餉不絕無毫髮私時號曰滿朝清世祖時以疾卒遣奏請謹名爵節財用帝嘉納焉

朶兒亦字道明幹札篲子年十五通古註論語孟子尚書帝召見曰朕聞儒者多嘉言朶兒亦奏當親君子遠小人帝曰汝言甚當因授中興路新民總管至

官錄其子弟之壯者墾田塞黃河九口開其三流凡

三載賦額倍增尋陞潼州府尹累遷雲南廉訪副使  
時雲南諸蠻叛僚佐悉稱故而去朶兒赤獨居守尋  
調廉訪使行省丞相帖木迭兒貪暴擅誅殺羅織安  
撫使法花魯丁欲致之死朶兒赤詰其專殺法花魯  
丁竟獲免尋復其官朶兒赤後卒於官

明党 理真寧人洪武三十年進士任宜陽縣丞以經  
術飾吏事政平化行境內以治永樂初累陞太僕寺  
少卿沉潛溫厚爲文敷暢典雅蒞政公勤律身清白  
抑豪強撫遺子俾遊食之民各安其業一時稱爲良

甘肅通志

卷三十五

人物

党

吏

賀 潤寧州人賦性聰明立志堅定讀書不泥舊習  
而能深契維新洪武初登進士第授監察御史

張 文字載道慶陽衛人明初法嚴學者恐貽後累

不樂進取文欲尋師受學父母難之乃潛遊寺觀覓  
藏經書之久之有悟取儒書讀之卽大通里郝申報

郡守見而奇之曰此少年雋器也入庠給廩乃益修  
身勵行講學受徒文章德行推冠一時以歲薦補博

平訓導開說經義士彬彬向風文體一變致仕歸其

貧如洗怡然自得

孔文英字世傑安化人永樂十九年進士授廬陵知縣擢監察御史浙黃岩有健訟者構捏齊民三千人相聚爲非奉勅往鞠遂得其所構造羅織者一訊皆服立遣之獨械首訟者來京時交口以明果稱之歷大理寺卿鎮守紫荆關提督邊務練兵有法設險防禦內外晏然陞刑部左侍郎卒於官

張 驥安化人永樂中鄉薦宣德中擢御史激揚有聲遷大理寺少卿平山東寇亂理兩浙冤獄特勅獎

甘肅通志

卷三十五

人物

卒

諭

趙 恭環縣人宣德間舉人任河南鈞州知州陞彰德府知府歷河南參政執法不撓清苦自持

張 清寧州人宣德間鄉舉授四川道監察御史歷山東按察司居官以勤恪著時山東郡邑城垣毀塌清檄一切修築之凡七十餘座民不知勞官不知費趙 銘安化人景泰二年進士任監察御史執法不避權勢陞浙江布政使律身清苦蒞政廉平遠終無

一金遺子孫

倪讓右所人正統七年進士授翰林庶吉士精通六書深明治體歷陞太常寺少卿提督四驛館性行中和平生無疾言遽色且見事前知子英亦中鄉舉任雞澤縣尹

陳旺安化人正統初襲指揮使資性英敏熟諳韜畧凡攻戰守禦俱有成法又通曉譯語當道薦其有文武才遷淮安參將掛兩廣平蠻大將軍印歷陞都督同知掌前府事時以名將稱之

李福真寧人太學生任大同府同知英宗北狩福

甘肅通志

卷三五

人物

至

冒險進貢久無怠意回鑾日陞本府知府進陞參政劉僅慶陽人甘貧好學動遵禮義以歲貢任石州通判理冤獄徵逋稅大有稱譽改判陳州惠政尤多其廉節之操始終不變人以爲清白吏

茂彪後所人性明敏有俊才登景泰五年進士擢監察御史嘗糾儀奏失儀者聲音如雷百官憚之尋陞山東按察司僉事明法律識治體兼通醫術刻經史類證行於世

田愉安化人字景和慷慨尚氣節中景泰四年順

天鄉試授平遙縣令邑素號難治愉以清介自持澁  
事精察鋤奸去暴盡息刁風致仕歸以俸餘周給族  
屬足跡不履公門

張 達字文通安化人中景泰丙子舉人授蠡縣令  
撫字有方政平訟簡蠡民化之陞蒲州郡守卽乞休  
家人強之行達曰吾以農家得科目助不逮祿有負  
國恩多矣廼復營營仕途爲家人計耶竟浩然歸結  
廬柔遠山中耕田課子終身

楊 綸字大經安化人成化二十年進士知肅寧縣  
甘肅通志 卷三五 人物 五

擢監察御史歷按宣府河南四川賊吏望風解綬發  
宣府總兵趙景貪酷伏其罪孝宗謂爲真御史歷陞  
山西按察使不附劉瑾構罪下獄瑾誅起陞僉都御  
史巡撫宣府尋陞右副都御史掌院事整飭風紀後  
累疏乞休人皆稱爲清白大夫

韓 鼎字廷器合水人成化十七年進士選禮科給  
事中孝宗嗣位首陳公銓選經財用嚴兵衛崇天道  
四事尋差寧夏給散軍賞盡革侵漁之弊遷右給事

中西夷貢獅所過騷然疏罷遣之又以皇嗣未廣爲

憂上書極言上優詔答之進左給事中疏糾神樂觀董素雲竊祭服之罪且乞用文學之臣以充太常鼎抗疏極諫隨事納忠多人所不敢言屢蒙褒納遷江西按察司副使平反冤獄奉命統制陝西討平吐蕃之亂陞兵部右侍郎正德間以疾歸所著有斗菴集慶陽府志

陳震字文靜慶陽衛人成化二十三年進士弘治初授監察御史風裁凜然凡所按行平寃釋遠時稱平允歷兵部侍郎嘗總制大同諸邊勵志廉勤爲政

甘肅通志

卷三十五 人物

五

明肅人不敢干以私精兵法六壬三式之學善騎射敵人不敢入寇

李夢陽字獻吉慶陽人父正周王府教授母夢日墮懷而生故名夢陽弘治五年舉鄉試第一六年成進士授戶部主事進郎中應詔上書言二病三害六漸中指陳闕宦並壽寧侯張鶴齡怙寵驕縱罔利賊民鶴齡奏辨誣夢陽訕母后爲張氏下錦衣衛獄尋宥出奪俸武宗立太監劉瑾等八人亂政戶部尚書韓

文流涕憂憤文令夢陽屬草奏之疏入詔廷議其事

瑾知韓疏出夢陽手撫他事下夢陽獄將殺之康海力救得免瑾敗起江西提學副使振古學變宿習士翕然向風以材高負氣布政司鄭岳與夢陽因詰問相忤下廣信獄按之坐前作宸濠書院記削籍夢陽才思雄鷲以復古自命與何景明康海王九思等號十才子皆卑視一世而夢陽尤甚所著有空同集

王天祐字受之慶陽人舉弘治十四年鄉試祐世農家兒時樵牧卽能畫地成字稍長覓書潛讀山間李夢陽見而奇之因授之學輒頓悟有得弱冠中鄉舉

甘肅通志

卷三五 人物

五

酷好魯公法帖遒勁逼真正德間纂修孝宗實錄預選中書授介休令有分巡凌逼州縣祐曰是猶可以仕耶卽解組歸

呂經字道甫寧州人少孤貧負薪養母讀書不輟

嘗荷薪市米見遺金坐而待之果有泣至者卽檢還之歸母怪其久告之母大悅正德三年舉進士授禮科給事中廷議以經諳練邊情命專覈山西諸路機宜體勘詳明晉都給事中疏陳弭災異及植國本諸

事權奸惡之調山西蒲州同知鎮守太監黃玉求索

弗遂誣奏繫獄嘉靖改元起復吏科陞山東參政礦賊王堂作亂親督戰生擒之陞雲南布政使土司文安邦反勦平之陞都察院右副都御史巡撫遼東釐剔弊習太監王純等誣奏戍茂州恩詔釋歸有使邊錄諫垣存稿諸集隆慶初詔復其官

韓守愚字希哲鼎之子正德三年進士選庶吉士補兵部武庫主事值逆瑾被收凡同省士大夫夫株連者多守愚獨以質直不與調山東濟寧通判時流賊猖熾當事以守愚素諳軍機委以提率民兵守愚諭以

甘肅通志

卷三五 人物

五

忠義相機勦殺賊相戒趨他境歷四川按察司僉事陳大綱字廷憲震子正德十二年進士授大理評事獄疑獄片言立折人咸驚服擢山西僉事土豪陳卿據青羊山作亂撫勦未決獨綱力主勦作平賊方畧六篇遂度地形險易斷山伐木爲飛梯望樓出其背三軍攀援而上賊驚潰卿遂降時宰相以前異議抑之命官覆勘以不合勲格竟不蒙賞陞密雲兵備著修邊或問一卷時戴貴作亂久不平綱至立保甲法

榜鄉邑失賊者連坐貴遂獲脅從各散去邑賴以寧



上賚賞褒之綱爲人志大才雄方嚴直勁時稱干城  
腹心之托

韓奕字大之慶陽衛人家貧不能受讀以賦役見  
辱於軍吏始奮志向學登正德中進士授四川新都  
令持已廉慎涖政平易擢監察御史奉命巡鹽兩浙  
時值礦徒嘯聚橫行州縣奕曰鹽法不過商估一年  
利害耳今變起不滅禍延不淺多方招撫悉爲解散  
陞四川僉事致仕爲陶穴之居于城南教授生徒講  
性命之學一時俊髦多出門下

甘肅通志

卷三五

人物

奕

楊純字粹夫寧州人舉正德丁卯鄉試授井陘令  
清慎公勤陞夔州府同知以剛方自持不阿於時清  
實軍伍一時奸弊肅清見忤當道未竟施爲時論惜  
之

張鵬翰慶陽人訓導文子性敏篤學日記數千言登  
正德六年進士授襄垣令視民如子擢監察御史左  
遷解州判官申明呂涇野鄉約三年風俗丕變壬辰  
大饑鵬翰捐俸易粟活人甚衆尋陞蘇州通判疏鑿  
淤河商賈稱便陞南戶部員外鄰有新配軍苦于衛

幕鬻女得十金未致而失之將求死輸遺之金如數  
又爲贖女遣之除河南僉事有勸翰復礦洞者怒曰  
汝以利誘我耶遂疎其人歷官山東參議

呂 顓字幼通經猶子幼失恃隨伯父讀書京師舉  
正德己卯鄉試第一嘉靖二年進士授戶部主事陞  
刑部員外郎審理冤滯多所平反陞郎中出知河南  
衛輝府政治嚴明調山東東昌值大水河決渰沒館  
陶武城二邑乃分檄鄉村安插災民請賑全活計口  
給糧歷陞雲南左布政使所著有仕進錄上都稿諸

甘肅通志

卷三十五 人物

七

子說括等書及定原集行世

呂 顓字幼誠經子學問宏博器識老成嘉靖十七  
年進士諳練明達歷陞南京刑部郎中陞襄陽知府  
理繁劄劇隨機應變致仕歸有諸書釋義芹谷集若  
千卷

黃 正慶陽衛人襲都指揮使父澤以勇幹著聞正  
少時已熟諳韜畧人謂其有父風陞靈州備禦都司  
值寧夏寘鐸作亂潛謀刻日渡河正先機收歛渡船

屯兵據守賊聞之大驚不敢輕動先事預防之速正

實與有功焉陞都督僉事

胡獻金環縣人中正德己卯鄉試除榮昌縣令愛民省費行取赴京值父喪歸先居榮昌時每歲盡以俸資奉父母止留柴薪自用一無所取于民到家窘甚至不能襄葬事服闋擢戶部主事

楊蛟字巨嶠安化人登嘉靖三十二年進士操行方潔爲文宏辨後以主事權稅臨清革去一切陋規省民數萬金吏民戴之

左桂字立卿寧州人舉嘉靖二十二年鄉試除胙

甘肅通志

卷三十五

人物

七

城令胙稱難治桂至損徭役寬獄訟明法勅罰權豪屏息擢御史巡視西城奏大木厰失火中官悉置於法又上封事如弭災變謹脩省侃侃皆大計按山西鹽法會河東地震破格發帑賑災以繼母憂歸悉以遺業讓諸昆弟

麻永吉字慶川本衛人嘉靖中登進士秉性純篤嗜讀書母目失明飲食起居必親奉焉初授庶吉士累官御史太守廉憲嘗抗書劾大臣正色立朝不避權

貴文章氣節一時仰爲山斗後卒於武昌宦邸囊橐

磬然歛櫬無資

邵 苾字叔芳寧州人舉嘉靖七年鄉試歷任葉縣  
介休長山東鄉四縣所至除豪猾擒巨寇興廢祛弊  
歷有政聲遷石州知州政治益勵以鎮江府同知致  
仕

周斯盛字子才寧州人登嘉靖三十二年進士歷官  
御史巡按遼東土寇犯廣寧身先士卒戰守六晝夜  
卒保無虞巡按浙江論列巨蠹罷斥貪墨吏治一清  
督學南畿簡拔英才抑絕刺競風教翕然歷岢嵐副

甘肅通志

卷三五

人物

堯

使

李 楨字克菴慶陽人隆慶五年進士累官至尚書  
爲諸生時讀書樓上三年不出戶庭鄉試卷真草不  
塗一字其養定如此筮仕後政事簡易與物無忤立  
朝著節爲世所仰重

米萬鍾字友石安化人萬曆二十三年進士累官太  
僕寺卿聰穎博雅尤善書畫名著一時時闢寺魏忠  
賢欲令書屏鍾聞之踰牆走終不與書忠賢黨紀文

煥勃之遂削籍

李巍然合水人天資穎異垂髫知孝友家貧苦志學業精專以明經授武昌府通判決斷如流獄無冤滯除奸革弊頌流江漢陞安寧知州修舉廢墜教養士民甫一載而政聲倍著卒於官

鞏國柱真寧人任葭州學正歷任四庠取與必嚴一介家門之內肅若師保雖私居言不妄發人無賢愚見者咸悚然起敬

崔 嵩慶陽人襲本衛指揮歷官參將器宇豪邁膽勇過人申明軍法恩威並著敵常至城下索酒不許

甘肅通志

卷三十五 人物

李

因邀嵩飲嵩單騎往與賊對酌慷慨論議如識平生賊畏服之嵩由此知名一日以百騎出遇賊乃據高岡下馬解鞍坐卧以示暇逸賊疑有伏終不敢近仍與賊對談嵩已令善射者洞其胸矣賊見勁兵解去魏 錕慶陽人精騎射從兄鎮宦歷邊方熟習邊事諳曉韜畧比兄出塞錕常在左右指麾調度率部下精騎與賊戰賊射墮兄指錕引弓射中賊目應弦而倒賊衆驚潰後錕以軍功授指揮使歷陞參將

漢金日磾字翁叔本匈奴休屠王太子也休屠王與昆邪王謀降漢後悔昆邪王殺之帥其衆來降日磾遂没入官輸黃門養馬時年十四矣久之武帝游宴見馬後宮滿側日磾等數十人牽馬過殿下莫不竊視至日磾獨不敢日磾長八尺二寸容貌甚嚴馬又肥好上異而問之具以本狀對上奇焉卽日拜爲馬監歷遷至光祿大夫日磾旣親近未嘗有過失上甚信愛之出則驂乘入侍左右日磾二子爲帝弄兒及壯

甘肅通志

卷三五

人物

空

與宮人戲日磾殺之帝心敬日磾初莽何羅與江充相善後充族誅何羅懼及遂謀爲逆上幸林光宮日磾小疾何羅矯制殺使者發兵入見日磾色變日磾得抱何羅因傳曰莽何羅反帝驚起擒縛之窮治皆伏辜由是著忠孝節日磾自在左右目不忤視者數十年賜出宮女不敢近上欲內其女後宮不肯其篤慎如此上尤奇異之及武帝病屬霍光以輔少主日磾爲光副封秬侯卒諡曰敬

金倫字少卿日磾弟爲黃門侍郎蚤卒日磾兩子

貴及孫則衰矣而倫後嗣遂盛

金 賞日磾子嗣侯爵宣帝卽位賞爲太僕霍光妻  
以女霍氏有事萌芽卽上書去妻後霍氏敗獨得不  
坐

金安上字子侯倫之子爲侍中惇篤有智宣帝愛之  
發楚王延壽反謀封都成侯卒諡曰敬

金 敞安上子元帝時爲中郎將侍中太后以敞世  
名忠孝留侍成帝爲奉車水衡都尉至衛尉敞爲人  
正直敢犯顏色左右憚之後病甚帝使問所欲以弟  
甘肅通志  
卷三五 人物  
空

岑爲托詔拜爲郎使主客敞子涉明經節儉諸儒稱  
之歷官至長信少府

唐烏承玳字德潤張掖人開元中與族兄承恩俱任平  
盧先鋒沈勇而決號轅門二龍遇敵輒先同恩擊破  
契丹於捺祿山又戰於白城斬首萬計後說史思明  
斬承慶等降李光弼表爲冠軍將軍封昌化郡王石  
嶺軍使積粟厲兵出入耕戰久之移疾還京師卒年  
九十六子重穎

烏重穎字保君張掖人河東將承玳子少爲潞牙將

節度使盧從史奉詔討王承宗陰與賊連重穎乃縛從史帳下士持兵合謹重穎叱曰天子有命從者賞違者斬士斂手還部無敢動憲宗嘉其功擢河陽節度使封張掖郡公詔重穎以兵討淮蔡大小百餘戰賊平遷檢校司空進邠國公建言河朔拒命者鎮將領兵能作威福也遂以所管三州兵還刺史各主其兵時以爲宜長慶末以司徒同中書門下平章事文宗初拜司空未幾卒年六十七贈太尉諡懿穆爲將善撫士卒蔡將李端降其妻爲蔡人所殺將死呼曰

甘肅通志

卷三十五

人物

奎

善事烏僕射待官屬有禮名士如溫造石洪皆在幕府歿時二十餘人至刲股以祭

趙武孟甘州張掖人少遊獵以所獲饋其母母泣曰汝不好書而敖蕩吾安望哉不爲食武孟感激遂力學淹該書記自長安丞爲右臺侍御史著河西人物

志十篇

趙彥昭字奐然甘州張掖人武孟子少豪邁風骨秀爽及進士第調爲南部尉與郭元振薛稷蕭至忠善

自新豐丞爲左臺監察御史景龍中累遷中書侍郎



同中書門下平章事歷涼州都督爲政嚴下皆股慄  
入爲吏部侍郎持節按邊遷御史大夫蕭至忠等誅  
郭元振張說言彥昭與秘謀改刑部尚書封耿國公  
元昂吉兒張掖人世爲西夏將家父甘卜率所部歸元  
爲千戶及昂吉兒領父軍從征諸國有功又畧地淮  
南世祖時累官行尚書省右丞時欲征日本昂吉兒  
上疏極諫請罷兵息民不從旣而師果無功屢進直  
言帝雖怒甚其辭不少屈

明陳 爰左衛入成化壬辰進士授戶部主事歷陞江  
甘肅通志

卷三十五

人物

畜

政聲  
西左布政使南京都察院副都御史卒於官所至有

劉 寬甘州中衛人刻意經史尤精於星曆筮卜之  
學嘗建議開高臺所從學甚衆號心古先生著有河

西賦

張 傑甘州人任寧夏總兵善撫士卒更多謀畧時  
拜之亂巡撫朱正色以傑嘗與拜善縋入城招安傑  
切責之被繫不屈兵臨城下賊乃縋出之

馬渥野張掖人居恒專心理學萬曆間從父宦長子

縣時於香靜坐體認周程語錄晨夕不懈者幾二十年著管窺序詩八首困學詩一帙

武 振山丹衛人有文武才任甘肅總兵嘗著哈密行錄山川道里槩可攷見

何景陽張掖人任四川彭縣教諭好學不倦年八十猶精楷書河西壁經之傳推爲第一壽百歲而終

蘇 荃張掖人號介石由歲貢授四川保縣令以理學教士有孝弟廉讓詩集

甘肅通志

卷三五

人物

奎

漢段 頰字紀明武威姑臧人鄭共叔段之後西域都護段會宗之從曾孫也少習弓馬尚遊俠輕財好學舉孝廉爲陽陵令所在能政遷遼東屬國都尉鮮卑犯塞頰馳赴之恐賊驚去使驛騎詐齎璽書詔頰頰僞退設伏因大縱兵悉斬獲之永壽二年拜中郎將討太山琅邪賊東郭寶等大破之斬首萬餘級封列侯遷護羌校尉會燒當燒何等羌寇隴西金城頰將兵擊破之又出塞二千餘里擊斬燒何大帥上郡諸

甘肅通志

卷三十五

人物

突

羌寇并京二州涼州刺史郭閔貪功稽頰軍義從反叛頰坐徵下獄羌遂陸梁吏人守闕訟頰詔問狀頰但謝罪不敢言枉復爲護羌校尉羌酋降者三千落又擊當煎種羌自春及秋無日不戰凡破西羌斬首二萬三千級獲生口數萬人馬牛羊八百萬頭降者萬餘落封頰都鄉侯西羌弭定而東羌先零等數寇擾三輔旣降復叛頰將兵與戰羌衆大潰斬首八千餘級獲牛馬羊二十八萬頭拜頰破羌將軍復出橋

門至奢延澤擊破之頰被甲先登士卒無敢後者羌

遂大敗棄兵而走餘悉散入漢湯山谷間頰規一舉滅之窮山深谷處處破之斬其渠帥獲牛馬氍裘盧帳不可勝數東羗悉平凡百八十戰斬三萬八千六百餘級獲牛馬羊等四十二萬七千五百餘頭實用四十四億軍士死者四百餘人更封新豐縣侯邑萬戶頰行軍仁愛士卒疾病者親自瞻省手爲裹創在邊十餘年未嘗一日蓐寢與將士同苦故皆樂爲死戰後徵拜太尉初頰與皇甫威明張然明並知名顯達京師稱爲涼州三明云

甘肅通志

卷三十五 人物

七

段煨武威人以身中郎將屯華陰特修農事李郭之亂車駕東遷煨具服御及公卿資儲請帝幸其營揚定與煨有隙誣煨欲反攻其營十餘日不下而煨奉給御膳稟贍百官終無二意建安三年汜既死詔煨與關中諸將討誅李傕以煨爲安南將軍封閩鄉侯魏賈詡字文和武威人詡依張繡爲謀主曹操征繡一朝引軍退繡自追之詡謂繡曰追必敗繡不從大敗而還詡促更追之繡謝曰不用公言以至於此今已敗奈何復追詡曰兵勢有變亟往必利遂收散卒

復追果以勝還繡問故詡曰此易知耳將軍雖善用兵非曹公敵也軍雖新退曹公必自斷後故知必敗曹公攻將軍無失策力未盡而退必國內有故已破將軍必留諸將斷後諸將雖勇亦非將軍敵也故雖用敗兵而必勝繡乃服操拒袁紹于官渡詡勸繡歸操操表詡執金吾封都亭侯用其計敗紹時文帝爲五官將而臨淄侯植才名方盛有奪嫡之志詡勸文帝不違子道又以袁本初劉景升父子諷操太子遂定詡自以非曹舊臣而策謀深長懼見猜嫌闔門自守男女嫁娶不結高門當時論智計者歸之文帝以詡爲太尉諡曰敬侯

甘肅通志

卷三十五 人物

交

梁陰子春字幼文武威姑臧人晉義熙末曾祖襲隨宋武帝南遷至南平因家焉父智伯與梁武帝鄰居少相友善見帝卧有異光成五色因握帝手曰公後非人臣也天下方亂安蒼生者其在君乎帝曰幸勿多言及帝踐位拜涼秦二州刺史子春雖無他才臨人以廉潔稱太清二年遷侍中屬侯景亂隨王僧辨攻平邵陵至貝磯與景遇力戰恒冠諸軍會郢州陷

卒于江陵

陳陰 鏗字子堅子春子博涉史傳尤善五言詩爲當時所重陳天嘉中爲始興王錄事參軍文帝燕羣臣賦詩徐陵言之帝卽日召鏗與宴使賦新成安樂宮詩鏗援筆便就帝甚賞之累遷晉陵太守散騎常侍有文集三卷行于世

魏賈 彝字彥倫武威姑臧人父爲苻堅鉅鹿太守坐訕謗繫獄彝年十歲詣長安訟父冤獲伸遠近嘆之弱冠爲慕容垂遼西王農記室參軍魏道武聞其名

甘肅通志

卷三十五 人物

六

遣使求彝及卽位拜尚書左丞預國政

陰仲達武威姑臧人少以文學知名世祖平涼州內徙代都司徒崔浩啓仲達涼土才華同修國史除秘書著作郎

北齊段 榮武威人祖信以豪族徙家五原郡榮好曆術專意星象後魏正光中謂人曰吾今觀天象察人事不及十年當薦亂矣及齊神武起兵榮贊成之論功封姑臧縣侯

段 韶榮子有將領才畧以武明皇后甥齊神武益

器愛之韶襲父爵事神武文襄加廣平郡公出總軍  
旅入參帷幄功高望重又教誨子弟閨門雍睦事後  
母以孝聞齊代勲貴罕有及者

隋陰 壽武威人少果烈有武幹高祖嘗遣韋孝寬擊  
尉遲迥命壽監軍時孝寬有疾不能親總戎事三軍  
綱紀皆取決於壽以功進位上柱國拜幽州總管封

### 趙國公

唐安興貴河西涼州人武德三年仕長安請說涼王李  
軌唐主乃遣之興貴至乘間說軌曰今唐殆天啓非

### 甘肅通志

### 卷三五 人物

七

人力也若往歸之則寶融之功復見于今日矣軌曰

吾據山河之固彼若我何興貴退與弟修仁陰結諸

羌起兵擊軌軌敗入城登陴須外援興貴傳言曰唐

遣我來取軌不從者罪三族於是諸城不敢動修仁

執送之長安詔以興貴爲右武侯大將軍封涼國公

李抱玉本安興貴曾孫世居河西嫺騎射爲人沉毅

有謀李光弼引爲裨校累有戰功安祿山亂抱玉上

言世居涼州恥與逆臣共宗詔賜姓李史思明破東

都光弼使抱玉守南城賊急攻抱玉縱奇兵出俘殺

甚衆賊大敗因不能西論功封欒城縣司空兼兵部尚書大曆三年加山南西道副元帥兼節度使屯整屋在鎮十餘年禁暴安人爲將臣之良卒贈太保諡昭武

李抱貞抱玉從弟沉慮能斷抱玉屬以軍事代宗時授澤州刺史兼澤潞節度副使抱貞策山東有變上黨爲兵衝乃籍民戶三丁之一蠲其徭租給弓矢習射三年皆爲精兵遂雄視山東步兵爲諸道冠田悅反圍邢及臨洛抱貞破走之進檢校尚書右僕射朱甘肅通志

卷三十五 人物

七

弟破朱滔進檢校司空卒詔贈太保

李光進其先河曲諸部姓阿跌氏貞觀中內屬以其地爲雞田州世襲刺史諫朔方軍光進與弟光顏少依舍利葛旃葛旃妻其女兒也初葛旃殺僕固瑒歸河東辛雲京遂與光進俱家太原以沉果稱從馬燧救臨洛戰洹水有功歷御史大夫代州刺史元和四年王承宗范希朝引師救易定表光進爲都將時光顏亦至大夫故軍中呼小大夫俄爲振武節度使



賜姓以光寵之別詔光顏拜洛州刺史弟兄榮冠當  
時光進徙靈武卒贈尚書左僕射光進有至性居母  
喪三年不歸寢光顏先娶而母委以家事及光進娶  
母已亡弟婦籍貲貯納管鑰於妯光進命反之曰婦  
逮事姑且嘗命主家事不可改因相持泣如初

李光顏字光遠葛旃少教以騎射每嘆其天資稟健  
已所不逮長從河東軍爲裨將節度使馬燧謂曰若  
有奇相終必光大解所佩劔贈之討李懷光楊惠琳  
戰有功從高崇文平劔南數舉旗陷軍出入若神益

甘肅通志

卷三十五

人物

七

知名進代洛二州刺史元和九年討蔡詔以其軍當  
一而明年大破賊光顏將數騎突入賊中反往一再  
矢集其身如蝟子攬馬鞅諫無深入光顏挺刃叱之  
於是士爭奮賊乃潰北時諸鎮兵環蔡相顧不前獨  
光顏先敗賊始裴度爲憲宗言光顏勇而義必立功  
俄又與烏重穎破賊小澗河捷聞進檢校尚書左僕  
射十二年敗賊於郾城守將鄧懷金令董昌齡開門  
降韓弘素蹇縱陰挾賊自重且惡光顏忠力思有以  
撓鱗之乃飾名姝教歌舞六博遣使遺光顏約旦日

納焉乃大合將校置酒引使者以待姝至光麗秀曼  
一軍驚視光顏徐曰我去室家久以爲公憂誠無以  
報德然戰士皆棄妻子蹈白刃奈何獨以女色爲樂  
爲我謝公天子於光顏恩厚誓不與賊同生因嗚咽  
泣下將卒數萬皆感激流涕乃厚賂使者還之於是  
士氣益勵裴度築赫連城於洹口率輕騎觀之賊以  
奇兵自五溝至大呼薄戰度危甚光顏力戰却之先  
是光顏策賊必至密遣田布伏精騎溝下扼其歸賊  
敗去由是賊悉銳士當光顏而李愬得乘虛入蔡賊

甘肅通志

卷三十五

人物

七

平加檢校司空入朝復鎮忠武吐蕃入寇徙邠寧軍  
時虜毀鹽州城光顏復城之初田縉鎮夏州開邊隙  
故党項引吐蕃圍涇州郝玘力戰破之光顏聞賊至  
料兵以赴邠人不肯行光顏爲陳說大義聞者泣下  
遽卽路虜走出塞穆宗立加同中書門下平章事敬  
宗初拜司徒河東節度使卒贈太尉諡曰忠光顏性  
忠義善撫士其下樂爲用許師勁悍常爲諸軍鋒故  
數立勲

段平仲字秉庸武威人擢監察御史磊落有氣節敢

言是時德宗春秋高躬自聽斷天下事有所壅隔羣臣畏帝苛察無敢言平仲得對欲有所陳帝怒叱去由是坐廢然名由此顯元和初爲諫議大夫再遷尚書左丞朝廷有得失未嘗不論奏世推其敢直終太子左庶子

元高智耀河西人世仕夏國祖良惠爲右丞相智耀登本國進士第夏亡隱賀蘭山元太宗訪河西故家子孫賢者召見將用之遽辭歸皇子闕端鎮西涼儒者皆隸役智耀謁藩邸請除之欲奏官之不就憲宗卽

甘肅通志

卷三十五

人物

志

位智耀入見言儒者所學堯舜禹湯文武之道自古有國家者用之則治不用則否養成其材將以資其用也宜蠲免徭役以教育之詔復儒士徭役無有所與世祖卽位召見又力言儒術有補治道時淮蜀士俘者皆沒爲奴智耀請除之帝從其言卽拜翰林學士命循行郡縣區別之智耀又言宜做前代置御史臺以糾肅官常從之擢西夏中興等路提刑按察使卒贈司徒柱國追封寧國公諡文忠子睿年十六授

符寶郎出入禁闈恭謹詳雅除嘉興路總管生擒宿

盜一郡以寧擢江東道提刑按察使討平草竊遷浙西道肅政廉訪使按治奸民除淮南道肅政廉訪使縱遣無辜皆有政績復拜南臺御史中丞務持大體有儒者風卒贈太傅諡貞簡

星 吉河西人少給事仁宗潛邸以精敏稱至治初拜監察御史有直聲出爲江南行御史臺御史大夫星吉持風裁御史行部必勅厲而遣之移湖廣行省平章湖廣地連江北威順王歲嘗出獵民病之又多萃名娼巨賈以網大利有司莫敢忤星吉至責王王

甘肅通志

卷三十五

人物

星

謝之悉罷其所爲有胡僧曰小住持者恃寵橫甚星吉命捕得其妻妾女樂十八人罪而籍之由是豪強斂手至正十一年汝穎妖賊起乃命募土兵完城池修器械嚴巡警悉以其事屬老將鄭萬戶賊來約降知其詐乃械其渠魁數十人以俟命適召爲大司農同僚受賂釋所械者賊大至內外響應城遂陷武昌人泣曰大夫不去吾豈爲俘囚星吉入見陳賊本末帝大喜命爲江西行省平章令守江州時江州已陷募兵得三千人克銅陵乘勝奮擊擒其渠魁遂復池

州石埭據鄱陽口綴江湖要衝日久糧乏援絕力戰  
衆死星吉中流矢昏仆賊素聞名昇置密室羅拜饋  
食星吉不食七日北面再拜而絕星吉爲人公廉明  
決與將士同甘苦以忠義感激人心故能得人死力  
云

幹 欒北庭人祖哈刺本畏兀兒國人自元太祖起  
兵四年來歸居于永昌故世爲永昌巨族幹欒久居  
政府聰明典重通達國體歟歷中外繇直省舍人歷  
官平章政事元危素撰墓碑

甘肅通志

卷三十五 人物

庚

余 闕字廷心唐兀氏家世武威父官廬州遂爲廬  
州人少喪父授徒以養母元統初賜進士及第授同  
知泗州事召入翰林修撰待制至正中廬州盜起以  
闕僉都元帥府事分兵守安慶抵官十日而寇至拒  
却之集將吏議屯田戰守計環境築堡砦選精甲外  
扞而耕稼于中明年大饑人相食捐俸爲粥以食之  
且請鈔三萬錠以賑民十五年大熟得糧三萬斛乃  
浚隍增障表裏完固盜環布四外闕居其中屹爲江

淮一保障時池州賊趙普勝帥衆攻城連戰三日敗

去未幾又至相拒二十日始退陳友諒自上流而下  
闕遣兵扼於觀音橋而饒州祝寇又攻西門闕斬却  
之賊併兵來攻又却之賊恚甚乃樹柵起飛樓分攻  
三門闕以孤軍血戰身被十餘創日中城陷城中火  
起闕知不可爲引刀自剄墮清水塘中妻耶卜氏一  
子德生女福童皆赴井死賊義之求屍塘中具衣冠  
葬之西門外事聞贈行中書省平章政事追封幽國  
公諡忠宣闕號令嚴信與下同甘苦故人爭用命當  
出戰矢石亂下如雨士以盾蔽闕却之曰汝輩亦

甘肅通志

卷三十五

人物

七

有命何蔽我爲嘗修遼金宋三史而于五經皆有傳  
註爲文淳古有氣詩尚江左高視絕謝徐庾以下不  
論也爲篆隸亦工及安慶歸附明太祖嘉其忠詔立  
廟於忠節坊命有司歲時致祭

明吳允誠蒙古人本名把都帖木兒居甘肅塞外塔溝  
地永樂三年率妻子及部落五千馬駝萬六千因宋  
晟來歸賜姓名吳允誠授右軍都督僉事使居涼州  
八年從出塞敗本雅失里進左都督追獲闖脫赤封

恭順伯允誠三子答蘭管者克勤帝征瓦剌允誠父

子皆從允誠卒贈國公諡忠壯正統土木之變克忠與其弟都督克勤爲後拒寇至戰不勝官軍死傷畧盡克忠下馬射矢竭猶殺數人與克勤俱歿於陣贈邠國公諡忠勇克勤贈遵化伯諡僖敏

魯 鑑其先西大通人明初率部落歸附命居莊浪父失加官莊浪衛指揮同知正統末鑑嗣父職成化四年固原滿四反鑑以土兵從征出則先驅入則殿後爲賊所憚賊平進總兵官鎮延綏魯氏世守西陲有捍禦功帝命有司建坊旌其世績鑑條上邊策四

甘肅通志

卷三五 人物

庚

事多議行鑑有材勇遇敵輒冒矢石數被傷不爲阻故能積功至大將卒贈右都督賜卹如制鑑子麟襲指揮使豪健如其父由甘肅參將遷副總兵麟子經正德二年襲職積功以總兵官鎮延綏經驍勇奉職寡過繼祖父爲大帥保功名稱良將

李 震字卯泉鎮番人以庠生襲祖職協守寧夏總督王崇古駐花馬池知套虜有異謀以輕騎三千屬震爲虜所覺部分精銳逆戰震劈其堅陣突入帳中所遇強壯盡殲之白城子之捷以震功爲最陞甘肅

總兵掛平羌將軍印修葺五郡磚城

達 雲涼州衛人勇悍饒智畧萬曆中嗣世職指揮  
僉事累進西寧參將有順義王俺答從子永邵卜者  
部衆強盛隨俺答西迎活佛留據青海更名瓦刺他  
卜囊歲爲西寧患嘗誘殺副將李魁二十三年九月  
九日擁勁騎直入雲伏兵朶爾峽口外而已提卒二  
千與戰方合伏忽起夾擊大敗之雲手馘其帥一人  
斬首六百八十餘級獲駝馬戎器無算所馘把都爾  
恰卽前殺李魁者其地卽魁陣亡處爲西陲戰功第

甘肅通志

卷三五 人物

羌

一 邊人快焉後寇復至雲衝擊寇死傷無算追奔數  
十里捷聞帝遣官郊廟宣捷永邵卜敗遠徙雲招番  
復業者七千餘戶命雲以總兵官鎮守延緩未幾鎮  
甘肅有松山賓兔阿赤兔等屢爲邊患雲分道襲之  
寇遠竄攘地五百里松山旣復爲築邊垣分屯置戍  
寇入犯輒大敗之以功進秩增勳廕雲爲將先登陷  
陣所至未嘗挫衄名震西陲爲一時邊將之冠卒贈  
太子太保子奇勳昌平總兵



